

欽定續通志



欽定續通志卷一百九十一

宗室傳

遼一

肅祖諸子

懿祖諸子

元祖諸子

德祖諸子

肅祖四子

附為增輯
附於其後

學順字雅遜為德呼勒部額爾奇木分五錫林為七六昭為十一

志天贊元年太祖以德呼勒部強大難制析五錫林為五院六昭為六院則又似太祖時始分也

哈喇字古昆洽禮字達年皆為錫里其後為六院郎君房

蘇祖四子長蘇拉次塔拉次元祖次尼古察皆莊敬皇后生

懿拉為錫林早卒

塔拉字赫德九任額爾奇木其後為六院額爾奇木房尼古察字頁卜肯為錫林善射年幾冠墮馬卒其後為六

院房

揚珠

托雲 碩格

鴻果

達魯

希達

善補

贊

實魯

贊

哈羅

卜科

寶忠

達

塔克

巴哩 雅

達喇

和卓

伊德實

安圖

蘇特

贊

哈羅

卜科

寶忠

達

布庫

華善

長學順次懿祖次哈喇次轄哩皆昭烈皇后生

案原史太祖以上諸子不為立傳今依皇祖表增輯冠以標題以著二院三父房之始其子孫散見於列傳者

案遼國語解五錫林即五院以五錫林為一院也昭百數也遼有六百家奚復為院又按營備

備

備

備

備

備

備

備

備

備

備

備

備

備

備

備

元祖四子長瑤魯次揚珠次實魯次德祖皆簡獻皇后生

瑤魯爲錫林早卒

揚珠字達年身長八尺多力能裂麕皮語音如鐘三爲德呼勒部額爾奇木年四十五薨重熙中追封蜀國王子
二和爾果勒濟摩綽其後爲孟父房

托雲字扞紐父摩綽嘗爲額爾奇木托雲姓端直會同中領九錫林部政濟寬猛世宗卽位爲特哩袞大祿三年
兼政事令封漆水郡王及穆宗立以匡贊功嘗許以本部大王後將葬世宗托雲懇言於帝曰臣蒙先帝厚恩未
能報及大葬臣請陪位帝由是不悅寢其議薨

碩格字穆克迪橫帳孟父之後幼爲太祖所養旣冠爲右皮室詳袞從伐渤海戰有功天顯七年授三河烏爾古
部都詳袞平易近民安之以故久其任會同間爲特哩袞時晉主石重貴渝盟帝親征晉將杜重威擁衆拒渾
沱月餘帝由他渡濟碩格與趙延壽據中渡橋重威兵卻遂降是歲入汴世宗卽位碩格奉太宗喪歸上京佐皇
后出師坐是免官卒

達魯字陽隱孟父楚國王之後性質直多膂力察克作亂達魯聞之入見壽安王慷慨言曰願得精兵數百破賊
黨王嘉其忠穆宗卽位爲北院宣徽使帝以飛狐道狹詔達魯廣之明年將兵援河東至太原與漢王會於高平
擊周軍敗之仍降其衆忻代二州叛將兵討之會搭喇至敗周師於忻口師還卒

希達孟父楚國王之後便弓馬勇於攻戰景宗時多任以軍事統和四年爲右皮室詳袞時宋將楊繼業陷山西
郡縣希達從樞密使色珍討之凡戰必以身先矢無虛發繼業敗於朔州之南匿深林中希達望袍影而射繼業

璽馬先是軍令須生禽繼業希達以故不能爲功後太后南伐屢有戰績以病卒

善補字瑤昇孟父楚國王之後純謹有才智景宗卽位授千牛衛大將軍遷大同軍節度使及伐宋韓匡嗣與耶律刷將兵由東路進善補以南京統軍使由西路進善補聞匡嗣失利斂兵還乾亨末與宋軍戰於滿城爲伏兵所圍色珍救之獲免以失備大杖決之統和初爲特哩袞會宋來侵善補爲都元帥逆之不敢戰故嶺西州郡多陷罷特哩袞以其叔安圖

按此安圖乃楊珠曾孫事詳列傳非德帝子安圖也原文誤

有匡輔世宗功帝愍之徵善補爲南府宰相遷南院大

王會再舉伐宋欲攻魏府召衆集議將士以魏城無備皆言可攻善補曰攻固易然城大巨量若克其城士卒貪俘掠勢必不可遏且傍多巨鎮各出援兵內有重敵何以當之帝乃止善補性懦守靜凡征討憚攻戰急還以故戰多不利年七十四卒

華格字宏隱孟父楚國王之後善騎射乾亨初爲北院林牙統和四年南侵宋華格擒諜者知敵由海路來襲卽先據平州要地事平拜上京留守遷北院大王十六年復侵宋爲先鋒破敵于遂城以功遷南院大王尋改北院樞密使開泰元年伐準布俘獲甚多帝嘉之封幽王後邊吏奏自華格還闕糧乏馬弱勢不可守帝復遣華格經略西境華格與邊將深入聞番部逆命居伊濟水華格徐以兵進敵望風奔潰獲羊馬及輜重路由白拔烈遇阿爾斯蘭回鶻掠之都監紐幹哩繼至謂華格曰君誤矣此部實效順者華格悉還所俘諸蕃由此不附帝使案之削王爵以侍中遙領大同軍節度使卒弟鴻果

鴻果字和多沁統和間累遷順義軍節度使入爲北面林牙太平元年加同政事門下平章事出爲彰國軍節度使兼山北道兵馬都部署徙武定軍節度使拜特哩袞六年討準布有功聖宗嘗刺臂血與鴻果盟爲友禮遇尤

異拜南府宰相改上京留守重熙六年遷南院大王御製誥辭以寵之十三年加裕悅帝憫其勞復授武定軍節度使卒訃聞帝哭曰惜哉善人喪至親臨奠焉

瑀字揚隱孟父楚國王之後性寬和善諧謔凡親朋會過一坐盡傾恔於榮利與鴻果爲刺血友鴻果爲特哩袞薦補爲宿直官重熙初遷旗鼓伊喇詳袞爲人畏慎容物或有面相陵折者恔然若弗聞不臧否世務以故帝益親狎三年遷崇德宮使爲特哩袞御製誥辭以褒之拜北院宣徽使寵遇過宰相帝常以兄呼之改遼興軍節度使卒子努克特終南京宣徽使

和囉木薩噶字烏庫哩孟父房之後重熙末補祗候郎君清寧初加安州團練使大康中歷懷德軍節度使奚六部圖哩太尉詔與樞密官措畫東北邊事改左護衛太保侍帝言多率易察無他賜以故帝優貸之八年知西北路招討使事時邊部尼都格爾等來侵和囉木薩噶誘北準布豪默古斯攻之俘獲甚衆以功加左僕射復討尼都格爾等誤擊默古斯北準布由是叛命遣都監張九討之不克二室韋與六院部特默羣牧宮分等軍俱陷於敵坐不以實聞削官壽隆間累遷特哩袞兼侍中賜保節功臣道宗崩與宰相耶律儼總山陵事乾統中爲南院

大王

據天詐紀增

致仕卒

實魯字蘇呼駢魯多力賢而有智初約尼氏可汗歲貢於突厥至實魯爲裕悅免焉始教民種樹桑麻年五十七爲子華格所弑重熙中追封隋國王其後爲仲父房孫幹

幹字達年南院額爾奇木烏蘇子少有器識人以公輔期之太祖時雖未官常任以事太宗卽位爲特哩袞天顯末帝援河東幹爲先鋒敗張敬達軍於太原北會同中遷北院大王及伐晉復爲先鋒與梁漢璋戰於瀛州敗之

太宗崩於藥城幹與厚定策立世宗令諸將曰有不從者以軍法從事諸將皆曰諸世宗卽位賜宮戶五十拜裕悅卒

羅卜科字信靈太宗從姪初太祖制契丹圖字羅卜科以贊成功授林牙監修國史後率偏師爲西南邊大詳袞從伐党項有功會河東節度使石敬瑭爲其主所討遣人求援羅卜科導送於朝如其請帝親率師往援羅卜科從擊唐將張敬達於太原北敗之會同初從討党項俘獲最諸將師還天冊中拜裕悅六年爲北院大王卒子賢適有傳

耶律資忠字烏延系出仲父房兄果羅善屬文聖宗重之時妻弟之妻阿古與奴通將奔女真國果羅追及奴殺之阿古自經阿古母有寵於太后事聞太后怒將殺之帝度不能救遣人訣別問以後事果羅謝曰陛下憫臣無辜死且不朽旣死人多冤之資忠博學工辭章年四十未仕聖宗知其賢召補宿衛數問以古今治亂資忠對無隱開泰中授中丞眷遇日隆初高麗內屬取女真六部地以賜至是貢獻不時至詔資忠往問故高麗無歸地意由是權貴數短之出爲上京副留守四年

按高麗傳資忠再使高麗在開泰三年與本傳異

再使高麗留弗遣資忠每懷君親輒有著述

號西亭集帝與羣臣宴時一記憶曰資忠亦有此樂乎九年高麗上表謝罪始送資忠還帝郊迎同載以歸命大臣宴勞留禁中數日謂曰朕將屈卿爲樞密何如資忠對曰臣不敢奉詔乃以爲林牙特哩衰事初資忠在高麗弟昭爲著帳郎君坐罪沒家產至是乃復橫帳且還舊產詔以外戚女妻之是時樞密使蕭和卓少師蕭巴噶有寵資忠不肯俛附詆之帝怒奪官數歲出知來遠城事歷保安昭德二軍節度使聖宗崩表請會葬旣至伏梓宮大慟氣絕而蘇興宗命醫治疾久之言國舅侍中無憂國心陛下不當復用唐景福舊號於是用事者惡之

遣歸鎮卒弟昭有傳

達魯字伊聶仲父房之後習兵事爲左皮室詳袞統和二十八年伐高麗達魯率本部軍與博諾等擒康肇李元蘊於銅州帝壯之曰以卿英才爲國戮力真吾家千里駒也明年爲北院大王出爲烏爾固迪里部都詳袞卒哈瑠字索紐仲父隋國王之後有明識篤行義舉止嚴重工爲詩統和間召攝御院通進開泰三年稍遷烏爾固迪里部都監俄知詳袞事通里部叛將宮分軍從樞密使世良討平之加千牛衛大將軍重熙元年累遷至同知上京留守改奚六部圖增太尉爲樞密使蕭嘉哩所忌帝欲召用哈瑠嘉哩言目病不能視議遂寢四年召爲北面林牙帝曰朕早欲用卿聞有疾故待之至今哈瑠對曰臣昔有目疾才數月耳然亦不至於昏第臣驚拙不能事權貴是以不獲早覩天顏非陛下聖察則愚臣豈有今日邪詔進述懷詩帝嘉歎方將大用卒

仙童仲父房之後重熙初爲宿直官累遷特里袞都監以寬厚稱富珠哩叛仙童爲五國節度使率師討之擒其帥托多羅又擊威叛衆降之改彰國軍節度使拜北院大王清寧一年知黃龍府事遷侍衛親軍馬步軍都指揮歷忠順武定二軍節度使致仕封蔣國公咸雍初徙封許國卒

穆濟字留隱仲父隋國王之後初以皇族入侍景宗卽位爲林牙以幹給稱保寧間遷樞密副使宋攻河東南府宰相刷爲都統將兵往援穆濟監其軍及白馬嶺之敗僅以身免宋乘銳攻燕將奚兵翊休格擊敗之以功釋前過十一年從都統韓匡嗣伐宋戰於滿城爲宋將所紿諸軍奔潰獨穆濟部伍不亂徐整旗鼓而歸璽書褒諭改南海軍節度使乾亨二年拜樞密副使統和初爲東京留守宋將曹彬米信等侵邊穆濟引兵至南京先繕守禦備及車駕臨幸穆濟與休格逆戰於涿之東克之遷開遠軍節度使故事州民歲輸稅斗粟折錢五穆濟表請折

錢六部民便之統和末卒

德祖六子長太祖次塔克次達喇次伊德實次安圖皆宣簡皇后生次蘇不詳其母氏後並爲季父房

塔克字綏蘭性愚險太祖卽位爲特哩衰計聶呼部破之因與弟達喇安圖等謀亂事覺按問具伏太祖令誓而舍之曰汝謀此事不過欲富貴耳出爲德呼勒部額爾木奇從太祖親征統本部兵攻下平州復謀爲亂誘羣弟據西山以阻歸路太祖聞而避之次赤水城塔克詐降復使舒蘇焚明王樓大掠而去至布扎爾哈爾吉二河與追兵戰衆潰及雅里河孟古部人邀擊之塔克輕騎遁去至榆河先鋒達魯生擒之太祖不忍加刑杖而釋之神册二年自幽州南奔爲人所殺

按資治通鑑云塔克達喇率其衆奔晉王厚遇之養爲假子仕至刺史後復奔梁同光元年唐滅梁與趙嚴等族誅於市本傳失載附錄於此

子賽保

巴哩岱

巴哩岱字海蘭太宗卽位以親愛見任會同七年討石重貴巴哩岱進圍德州下之擒刺史師居璠等二十七人九年再舉兵次滹沱河降杜重威戰功居多太宗入汴以功授安國軍節度使總領河北道事師還州郡往往叛以應劉知遠巴哩岱不能守而歸世宗卽位遷中京留守卒子哈里

哈里

此與前哈里非一人

字留隱察克之亂其母達魯與焉遣人召哈里哈里拒之亂平達魯以子故獲免哈里儉素不喜

聲利以射獵自娛雖居閒人敬之若貴官保寧初拜彰國軍節度使遷特哩衰秩滿稱疾不仕久之復爲南院大王及曹彬米信等來侵哈里有卻敵功賜資忠保義匡國功臣帝屢親征哈里在南院十餘年鎮以寬靜戶口增給時議重之封漆水郡王遷上京留守薨詔以家貧給葬具

達喇字伊勒都堪天顯元年爲中臺省左丞相性敏給太祖曰達喇之智卒然圖功吾所不及回鶻使至無能通

其語者太祖曰達喇聰敏可使迓之相從二旬能習其言語書契因制契丹小字數少而該貫後與兄塔克謀反塔克遁達喇與安圖降太祖杖而釋之孫和卓

和卓字諾袞幼不好弄臨事明敏善談論初以近族入侍每從征伐有功保寧初加右龍虎衛上將軍以宋師屢梗南邊拜涿州刺史西南兵馬都監招安巡檢等使賜推忠奉國功臣和卓久任邊防務鎮靜不妄生事以邀近功鄰壤敬畏屬部又安宋數遣人結歡冀達和意和卓表聞其事帝許議和安邊懷敵多有力焉拜左金吾衛上將軍秩滿遙攝鎮國軍節度使卒和卓智而有文曉暢戎政鎮范陽時嘗領數騎徑詣雄州北門與郡將立馬陳兩國利害及周師使邊本末辭氣慷慨左右壯之自是邊境數年無事識者以爲和卓一言賢於數十萬兵

伊德寶字愛新與塔克作亂兵敗太祖赦之後與塔克遁至榆河自刺不死被擒釋之太祖崩遺詔守太師政事令輔東丹王瀋欽皇后遣司徒華沙殺於路重熙間追封許國王子四人瑠格帕克哈噶哩寶奇具見逆臣傳安圖字猥隱神冊元年討平雲州二年爲特哩袞天贊元年征渤海破耆相兵三萬餘人安邊鄭頡定理三府叛平之太宗卽位有定策功會同中伐晉率兵先出雁門下忻代世宗初立以兵往應及魯呼戰於泰德泉敗之封東丹國賜號明王初安圖與兄塔克謀亂其妻黏睦姑告變太祖誓而免之復叛被擒杖而釋之及其子察克以弑逆被誅穆宗赦其罪放歸田里

蘇字伊勒都堪性柔順事上忠謹言無隱情太祖尤愛之神冊五年爲特哩袞六年爲南府宰相以賄聞民頗怨焉滄州節度使劉守文求救太祖命蘇往解滄州圍塔克詐降往來其間詭平蘇力爲多天贊三年與迪里略地西南天顯初從征渤海師還薨太祖二十功臣蘇其一也孫諾袞

諸袞字延寧統和四年宋楊繼業來侵諸袞爲黃皮室乂都監擊敗之盡復所陷城邑軍還加諸衛小將軍及伐宋有功遷黃皮室詳袞六年再舉將先鋒軍敗宋游兵於定州爲東京統軍使加金紫崇祿大夫從奚王和碩鼎伐烏舍以戰失利削金紫崇祿階十九年拜南府宰相二十一年復伐宋擒其將王繼宗於望都俘殺甚衆以功加同政事門下平章事二十六年爲遼興軍節度使尋復爲南府宰相開泰初加尙父卒孫博迪

博迪字薩巴重熙初補牌印郎君清寧初稍遷知易州去官部民請留許之咸雍八年改革國軍節度使上獵達里庫山博迪謁於行宮帝問邊事對曰自應州南境至天池皆我耕牧之地清寧間邊將不謹爲宋所侵烽堠內移似非所宜道宗然之拜北面林牙後遣人使宋得其侵地命博迪往定疆界還拜南院宣徽使大康四年遷忠順軍節度使尋爲南院大王改同知南京留守事召拜南府宰相賜貞良功臣封吳國公爲北院樞密使廉謹奉公知無不爲大安中致仕卒子哈瑪爾北院樞密副使

布庫字提隱太祖弟蘇四世孫以武勇稱統和初爲涿州刺史從伐高麗有功開泰末爲上京內客省副使太平二年城鴨綠江布庫守之在鎮有治績五年改廣德軍節度使尋遷東京統軍使莅政嚴肅諸部懾服九年大延琳叛以書結保州夏行美執其人送布庫布庫入據保州延琳氣沮以功拜特哩袞十一年爲子鐵驪所弑華善字特哩系出季父房重熙初補祗候郎君時常篤於親親凡三父之後皆序父兄行第於華善尤狎愛然每侍宴飲雖詠諧未嘗有一言之過由是帝益重之歷積慶永興宮使累遷至同知南院宣徽使事南面林牙十六年出爲懷化軍節度使罷召爲御史大夫二十三年因大册加天平軍節度使檢校太師徙中京路案問使卒華善雅有美行數以財恤親友人皆愛重然嗜酒不事事晚年沈湎尤甚人稱爲酒仙云

特默季父房之後重熙間爲北剋累遷六部圖贈太尉大安四年爲倒撻嶺節度使頃之爲禁軍都監是冬討默古斯斬首二千餘級十年復討之旣捷授南院宣徽使壽隆元年爲北院大王四年知黃龍府事卒

章努字塔瑪雅季父房之後父扎拉養高不仕章努明敏善談論大安中補牌印郎君乾統元年累遷右中丞兼領牌印宿直事六年以直宿不謹降知內客省事天慶四年授東北路統軍副使五年改同知咸州路兵馬事及天祚伐金蕭呼敦爲先鋒都統章努爲都監渡鴨子河章努與魏國王瀉妻兄蕭迪里及其甥蕭雅里等謀立瀉誘將卒三百餘人亡歸旣而天祚爲金所敗章努乃遣迪里雅里以廢立事馳報瀉瀉猶豫未決會行宮使者伊蘇持天祚御札至備言章努叛命瀉對使者號哭卽斬迪里雅里首以獻天祚章努見瀉不從誘草寇數百攻掠上京取府庫財物至相州率僚屬告太祖廟西至慶州復祀諸廟仍述所以舉兵之意移檄州縣諸陵官僚士卒稍稍屬心時饒州渤海乃侯槩等相繼來應衆至數萬趨廣平淀其黨耶律寧古等暴橫不法劫掠婦女財畜章努度不能制內懷悔恨又攻上京不克北走金將阿固濟率兵追敗之殺其將耶律穆爾濟擒貴族二百餘人其妻女配役繡院或散諸近侍爲婢餘得脫者皆遁去章努詐爲使者欲奔金爲邏者所獲縛送行在伏誅

庶成字喜隱季父房之後父烏津檢校太師庶成幼好學書過目不忘善遼漢文字於詩尤工重熙初補牌印郎君累遷樞密直學士與蕭罕嘉努各進四時逸樂賦帝嗟賞初契丹醫人鮮知切脈審藥帝命庶成譯方脈書行之自是人皆通習雖諸部族亦知醫事時入禁中參決疑議偕林牙蕭韓家努等撰實錄及禮書與樞密副使蕭德按蕭德傳云樞密副使詔與耶律庶成同修律令當卽此事也原文作耶律德誤今改正修定法令帝詔庶成曰方今法令輕重不倫法令者爲政所先人命所繫不可不慎卿其審度輕重從宜修定庶成參酌古今刊正訛謬成書以進帝覽而善之庶成方進用爲

妻呼圖克所誣以罪奪官絀爲庶耶律使吐蕃歷十二年清寧間始歸帝知其誣詔復本族仍遷所奪官卒弟庶箴

庶箴字辰甫善屬文重熙中爲本族將軍咸雍元年同知東京留守事俄徙烏衍奚厥部節度使九年知蘇州事明年遷都林牙上表乞廣本國姓氏曰我朝創業以來法制修明惟姓氏止分爲二耶律與蕭而已始太祖制契丹大字取諸部鄉里之名續作一篇著於卷末臣請推廣之使諸部各立姓氏庶男女婚媾有合典禮帝以舊制不可遽釐不聽大康二年出耶律伊蘇爲中京留守庶箴與耶律孟簡表賀頃之伊蘇復爲樞密使事專權恣虐庶箴私見伊蘇泣曰前抗表非庶箴之願也伊蘇信其言乃得自安聞者鄙之八年致仕卒子富魯

富魯字努展幼聰悟好學甫七歲能誦契丹大字習漢文未十年博通經籍重熙中舉進士第主文以國制無契丹試進士之條聞於帝以庶箴擅令子就科目鞭之尋命富魯爲牌印郎君應詔賦詩立成以進帝嘉賞顧左右曰文才如此必不能武事富魯奏曰臣自蒙義方兼習騎射在流輩中亦可周旋帝未之信會從獵三矢中三兔帝奇之轉通進是時父庶箴嘗寄戒諭詩富魯答以賦衆稱其典雅寵遇漸隆清寧初卒

欽定續通志卷一百九十二

宗室傳

遼二

太祖諸子

義宗倍

隆先道隱

章肅皇帝魯呼

喜隱

雅勒呼

太宗諸子

雅斯哈

天德

迪里

必舒

世宗諸子

扎木

景宗諸子

隆慶

隆祐

聖宗諸子

布古德

博諸

興宗諸子

和囉噶

溫

阿林

道宗一子

順宗濬

天祚諸子

晉王額爾溫

雅里

太祖四子瀋欽皇后生倍次太宗次魯呼宮人蕭氏生雅勒呼

按原史舊無標題今依皇子表補

義宗倍小字托雲聰敏好學外寬內摯神冊元年立爲皇太子時太祖問侍臣曰受命之君當事天敬神有大功

德者朕欲祀之何先皆以佛對倍曰孔子大聖萬世所尊宜先太祖大悅卽建孔子廟詔皇太子春秋釋奠嘗從

征烏爾古党項爲先鋒都統及經略燕地太祖西征留守京師因陳取渤海計天顯元年從征拔扶餘城帝欲括

戶口諫曰今始得地而料民民必不安若乘破竹之勢徑造輝罕城克之必矣太祖從之倍與大元帥德光爲前

鋒夜圍城大譴譏降復叛太祖破之改其國曰東丹名其城曰天福以倍爲人皇王主之仍賜天子冠服建元甘露稱制置左右大次四相百官一用漢法歲貢布十萬端馬千匹諭之曰此地瀕海非可久居留汝撫治以見朕愛民之心駕將還倍作歌以獻陛辭號泣而出遂如儀坤州未幾諸部多叛大元帥討平之太祖訃至奔赴山陵知皇太后意欲立德光乃與羣臣請於太后而讓位焉太宗既立見疑以東平爲南京徙倍居之盡遷其民又置衛士陰伺動靜倍既歸國起書樓於西宮作樂田園詩唐明宗聞之遣人跨海持書密召倍倍因敗海上使再至倍謂左右曰我以天下讓主上今反見疑不如適他國以成吳泰伯之名立木海上刻詩曰小山壓大山大山全

無力羞見故鄉人從此投外國攜高美人載書浮海而去唐以天子儀衛迎倍至汴明宗以莊宗後宮原作莊宗後宮今據改夏氏妻之賜姓東丹名之曰慕華改瑞州爲懷化軍拜懷化軍節度使瑞慎

等州觀察使復賜姓李名贊華移鎮滑州遙領虔州節度使倍雖在異國常思其親閭安之使不絕後從珂弑其

君自立倍報太宗請討之及太宗立石敬瑭爲晉主加兵於洛從珂欲自焚召倍與俱倍不從遣壯士李彥紳害

之時年三十八敬瑭入洛喪服臨哭以王禮權厝後太宗改葬於醫巫閭山諡曰文武元皇王世宗卽位諡讓國

皇帝陵曰顯陵統和中更諡文獻重熙二十年增諡文獻欽義皇帝廟號義宗又諡二后曰端順曰柔貞按柔貞

世宗天祚初加尊皇太后察克反同遇害倍初市書至萬卷藏於醫巫閭絕頂之望海堂通陰陽知音律精醫藥砭熅之術工遼漢文

章書畫然性刻急好殺婢妾微過常加剋灼夏氏懼而求削髮爲尼五子長世宗次隆科舒隆先道隱各有傳

平王隆先字國隱母大氏景宗卽位封平王未幾兼政事令留守東京薄賦稅省刑獄恤鰥寡數薦賢能之士後

與統軍耶律實魯同討高麗有功還薨葬醫巫閭山之道隱谷平王博學能詩有閭苑集行於世保寧之季其子

辰格與渤海官屬謀殺其父舉兵作亂帝命轆裂於市

晉王道隱字留隱母高氏道隱生於唐人皇王遇害時年尙幼洛陽僧匿之因名道隱太宗滅唐還京賜外羅山地居焉性沈靜有文武才時人稱之景宗卽位封蜀王爲上京留守乾亨元年遷守南京號令嚴肅民獲安業徙封荆王統和初薨追封晉王

章肅皇帝魯呼一名鴻觀字奚隱少勇悍多力而性殘酷太祖嘗觀諸子寢魯呼縮項臥內曰是必在諸子下又嘗大寒命三子采薪太宗不擇而取最先至人皇王取其乾者束而歸後至魯呼取少而棄多太祖曰長巧而次成少不及矣而母篤愛魯呼天顯五年遣徇地代北攻賓州多俘而還遂立爲皇太弟

按太宗紀冊爲壽昌皇太子與此互異兼天

下兵馬大元帥太宗親征留守京師世宗卽位鎮陽太后遣魯呼將兵擊之至泰德泉爲安圖瑠格所敗耶律烏哲入諫太后魯呼在側作色曰我在烏雲安得立烏哲曰奈公酷暴失人心何太后顧魯呼曰昔我與太祖愛汝異於諸子諺云偏憐之子不保業難得之婦不主家我非不欲立汝汝自不能矣和約既定趨上京會有告魯呼與太后謀廢立者徙魯呼祖州禁其出入穆宗時其子喜隱謀反辭連魯呼囚之死獄中年五十葬玉峰山西谷統和中追諡欽順皇帝重熙二十一年更諡章肅后曰和敬二子宋王喜隱衛王完

喜隱字完德雄偉善騎射封趙王應歷中謀反事覺以親釋之未幾復反下獄景宗卽位聞有赦自去其械而朝帝怒誅守者復置於獄保寧改元乃宥之妻以皇后之姊復爵宋王喜隱輕僇無恆小得志卽驕帝嘗召不時至怒而鞭之由是懷怨謀亂貶而復召適是帝與劉繼元書辭意卑遜諫曰本朝於漢爲祖書旨如此恐虧國體帝尋改之授西南面招討使命之河東索吐蕃戶稍見進用復誘羣小謀叛上命械其手足築圍土囚祖州宋降卒

二百餘人欲劫立喜隱以城堅不得入立其子留禮壽上京留守楚實勒擒之留禮壽伏誅賜喜隱死
雅勒呼字達年性沈默善騎射天顯三年救耶律刷於定州爲李嗣源所獲石晉立始得還爲特哩衰薨子迪里
南府宰相希達北院大王

太宗五子靖安皇后生穆宗次雅斯哈宮人蕭氏生天德次迪里次必舒

雅斯哈會同初封太平王世宗立詔許與晉主往還以昆弟禮穆宗委以國政應歷三年與魯呼子完謀亂令司
天魏璘卜日事覺貶戍西北邊景宗卽位亡入沙陀召還釋其罪封齊王保寧四年薨贈皇太叔諡欽靖

天德字必繼猛悍趨捷人望而畏之太宗討石重貴至望都晉將杜重威率兵十萬先據河梁上募能斷糧道者
天德請以五千騎行從間道擊走衛送之軍火其輜重重威窮感乃降會同三年與邸用和使晉世宗卽位遣天
德護太宗梓宮赴上京太后遣魯呼拒世宗過於泰德泉戰甚力敗之太后不悅後不復用天祿二年與蕭翰瑠
格等謀反繫獄伏誅

迪里字博斯濟多力善射應歷八年與宣徽使耶律哈斯謀反釋之保寧初封冀王宋人侵漢與南府宰相耶律
刷往援却敵而還乾亨元年復與宋人戰於白馬嶺先鋒渡澗未半宋軍迎擊師潰沒於陣子幹格并死焉

必舒穆宗時族人和特及蕭卓琳有罪欲亡必舒密以聞帝以爲忠常命侍從帝輕殺左右會欲誅監鹿官必舒
諫而免保寧初封越王

按皇子表作穆宗時封考穆宗紀不載
景宗紀保寧元年實始封越王今據改計党項有功後以疾薨

世宗三子懷節皇后生和爾鄂博

按皇子表原注云舊史皇族傳書在第三且云未詳所出按景宗紀云景宗長
帝世宗第二子又舊史本傳云景宗立親祭於墓追冊爲太子當是世宗嫡長

子也今
宗妃甄氏生扎木